

ԱՐԱՄ ՆԱԶԱԳԵՏԻ ՏԵՐ-ՂԵՎՈՆԴՅԱՆ

1988 թ. փետրվարի 10-ին հանկարծամահ եղավ հայազգետ-արարազետ, պատմական գիտությունների դոկտոր, պրոֆեսոր, ՀՍՍՀ ԳԱ արևելագիտության ինստիտուտի արևելյան աղբյուրա-

թյան բազմաթիվ խնդիրների շուրջ, 1973 թ. պաշտպանում է դոկտորական գիտությունների թեզը՝ «Հայաստանը և արաբական խալիֆայությունը թեմայով»:



գիտության բաժնի վարիչ Արամ Նազապետի Տեր-Ղևոնդյանը:

Ա. Տեր-Ղևոնդյանը ծնվել է 1928 թ. հուլիսի 24-ին Կահիրեում (Նիգիլոս): 1948 թ. ծնողների հետ ներգաղթել է Սովետական Հայաստան և բռնակցություն հաստատել Երևան քաղաքում: 1949 թ. ընդունվել է 1954 թ. ավարտել է Երեվանի պետական համալսարանի բանասիրական ֆակուլտետի արևելյան լեզուների և գրականության բաժինը: 1955 թ. ընդունվել է ՀՍՍՀ ԳԱ պատմության ինստիտուտի նպատակային ասպիրանտուրան (Լենինգրադում) և Հ. Օրբելու ղեկավարությամբ 1958 թ. պաշտպանել է թեկնածուական գիտությունների թեզը՝ «Հայաստանը Հայաստանում (IX—XI դդ.) թեմայով, այնուհետև աշխատանքի է անցել ՀՍՍՀ ԳԱ պատմության ինստիտուտում՝ նստիս իբրե կրտսեր, իսկ 1962—1981 թթ.՝ ավագ գիտաշխատող:

Պատմության ինստիտուտում աշխատելու տարիներին նա անդուլ գիտական հետազոտություններ էր կատարում Հայաստանի VII—IX դդ. սոցիալ-քաղաքական և մշակութային պատմու-

թյան Տեր-Ղևոնդյանը 1981 թ. աշխատանքի է տեղափոխվում ՀՍՍՀ ԳԱ արևելագիտության ինստիտուտ՝ որպես ավագ գիտական աշխատող: Այնուհետև հասարակական հիմունքներով, իսկ 1984 թ. մինչև կյանքի վերջը պաշտոնապես ղեկավարում է այդ ինստիտուտի արևելյան աղբյուրագիտության բաժինը:

Ա. Ն. Տեր-Ղևոնդյանն ազնվորեն ծառայում էր հայագիտության և արաբագիտության զարգացմանը: Իր գիտական կենսագրության երեք տասնամյակից ավելի տարիները նա անմացորդ նվիրեց Հայաստանում արաբական տիրապետության շրջանի (VII—IX դդ.) պատմության բազմաթիվ կենտրոն խնդիրների լուսարանությանը: Ա. Տեր-Ղևոնդյանի բեղմնավոր գիտական ծառանգությունը պատկանելի է 7-րդ դարի և մենագրություն և հարյուրից ավելի հոդվածներ, ակնարկներ ու այլ ուսումնասիրություններ, որոնց շնորհիվ նա բարձր և արժանի անուն վաստակեց թե՛ հայագիտության և թե՛ արաբագիտության բնագավառներում: Նրա ուսումնասիրություններն աչքի են ընկնում գիտական խորությամբ, փաստերի համակողմանի վերլուծությամբ, աղբյուրագիտական հարուստ հենքով և ներկայացնում են հայագիտության ու արաբագիտության մի շարք առանձին բնագավառներ ու պրոբլեմներ: Առաջինը Ա. Տեր-Ղևոնդյանը ցույց տվեց, որ Հայաստանում արաբական տիրապետությունը վերջնականապես հաստատվել է ոչ թե VII դ. 40-ական թվականներին, այլ նույն դարի վերջին կամ VIII դ. սկզբին: Ա. Տեր-Ղևոնդյանն ապացուցեց, որ թեև Հայաստանն ընդունեց արաբական գերիշխանությունը, սակայն հայերը, ի տարբերություն մի շարք քրիստոնյա ազգերի և ժողովուրդների, պահպանեցին ներքին ինքնավարությունը: Արաբական տիրապետության պայմաններում Հայաստանը, ըստ Ա. Տեր-Ղևոնդյանի, երբեք չկորցրեց իր վարչական ու քաղաքական դեմքը և Վիրքի, Աղվանքի, Երբեմն էլ Դարբանդի ու Զաղիրայի հետ միասին կազմում էր արաբական խալիֆայության «Արմինիա» փոխարքայությունը, որը կառավարում էին արաբ ոստի-

Պանների Սակայն Հայաստանում կառավարմանը մասնակցում էին նաև «Հայոց իշխանները», որոնք յուրատեսակ միջնորդ էին արաբական խալիֆայության և հայ ազնվականության միջև:

Հայաստանի VII—IX դդ. քաղաքական պատմությունից բացի, Ա. Տեր-Ղևոնդյանը մի շարք ուսումնասիրություններ է նվիրել արաբական նըվաճումներին և հատկապես արաբական ամիրայություններին: Նրան է պատկանում վերջիններիս կազմավորման պատմության ուսումնասիրության պատիվը: Նա ցույց է տվել, որ թեև արաբական ցեղերը մուսուլմանական Հայաստան, որպեսզի հուսալի հենարան դառնան արաբական ամիրայությունների համար, բայց չկարողացան այնտեղ մշտապես հաստատվել, քանզի երկրի կառավարումը և ներքին ինքնավարությունը գտնվում էին հայ իշխանների ձեռքին: Ա. Տեր-Ղևոնդյանը հատուկ ուշադրություն է դարձրել նաև արաբական տիրապետության պայմաններում մահմեդականների համեմատությամբ քաղաքացիական սահմանափակ իրավունքներ ունեցող հայերի (ինչպես նաև մյուս քրիստոնյա փոքրամասնությունների) իրավական վիճակին:

Տասնյակ հոգվածներում հիմնավորապես լուսարանված են մշակութային կյանքի, հայ-արաբական գրական-բանահյուսական առնչությունների մի շարք հարցեր: Մասնավորապես արժեքավոր են նրա պրպտումները հայերին վերաբեռող արաբական վիպական գրույցների ուղղությամբ:

Մեծ է Ա. Տեր-Ղևոնդյանի ավանդն արաբական և հայկական աղբյուրների թարգմանության, մեկնության, գնահատման և հրատարակման գործում (XI դարի անանուն աղբյուրը, Ազա-

թանգեղոսի «Պատմության» արաբական նոր խմբագրությունը և Իրն ալ-Ասիրի «Լիակատար պատմությունը»): Անխնշ գիտնականը կարևոր ճշգրտումներ է կատարել Ազաթանգեղոսի «Պատմության» խմբագրությունների հարցում, պարզարանել դրանց ճյուղավորումները: Հարուստ ծանոթագրություններով և մեծ հմտությամբ նա գրաբարից աշխարհարարի է վերածել Ղևոնդի և Ազաթանգեղոսի երկերը: Նա խմբագրել է նաև մի շարք պատմագիտական մենագրություններ:

Ա. Տեր-Ղևոնդյանն ակտիվորեն մասնակցել է «Հայ ժողովրդի պատմություն» բազմահատորյակի ստեղծմանը, մի քանի տասնյակ հոգվածներ է գրել «Հայկական սովետական հանրագիտարանի» համար, արժեքավոր ակնարկներ նվիրել հայ մշակույթի նշանավոր գործիչներին և, վերջապես, ղեկավարումներ է կարգացել մի շարք միջազգային կոնֆերանսներում և համամիութենական գիտա-ժողովներում: Գիտական աշխատանքին զուգընթաց Ա. Տեր-Ղևոնդյանը դասախոսական աշխատանք է կատարել տարբեր բուհերում:

Ա. Տեր-Ղևոնդյանը կյանքից հեռացավ ստեղծագործական ուժերի ծաղկման շրջանում: Ցավով, նրա որոշ աշխատություններ մնացին անավարտ և անտիպ, իսկ բազում մտահղացումներ և ծրագրեր կյանքի ուղեգիր չստացան: Սակայն իր գիտական մեծ վաստակով նա պատվավոր տեղ նվաճեց հայագիտության և արաբագիտության մեջ: Ականավոր գիտնականի, ազնիվ քաղաքացու հիշատակը միշտ վառ կմնա նրան ճանաչողների սրտերում:

ԱԼԵՔՍԱՆԴԻ ԽԱՉԱՏՐՅԱՆ

պատմական գիտությունների թեկնածու